

E deporte di hisamento di peso ta conta awor cu mas refereee certifica

ORANJESTAD- Den deporte ta importante pa cada bes bo tin refereeenan nobo y, mas cu tur cos, certifica cu ta yuda engrandece e nivel di e deporte. Paso con cu bay bini sin un referee ta dificil pa un deporte bay na un manera ordena sin aplica regla, esaki especificamente ta e trabou di un referee. Recientemente Aruba Amateur Weightlifting Association a organisa un curso di refereee monitor nivel 1 pa tur interesado den e deporte di hisamento di peso.

E curso den su totalidad tabata tin un duracion di dos dia, caminda a parti esaki den un dia e parti teoretico y e otro dia e parti practico. Mester bisa cu e interes tabata grandi sigur bou di esunnan cu a caba di cera conoci cu e deporte di hisamento di peso. E curso a wordo duna pa Patrick Vrolijk asisti pa Hugo

Themen kende ta un refereee internacional certifica nivel 1. Na final e cursista a haya nan certificado di participacion.

E federacion di hisamento di peso AAWA ta masha satisfecho cu awor nan ta conta cu varios refereee nobo y cu por wordo uza den nan futuro competencianan.

Esunnan cu e ricibi nan certificado a bini di diferente gym na Aruba cu ta practica Cross Fit pero tambe e deporte di hisamento di peso, nan ta Barbell in Paradise Crossfit, Buchi Athletic Gym, Muscles & Lungs Crossfit, TNT Gym y San Nicolas Sport Center.

Mirando e interesa grandi di participacion, e federacion di Hisamento di Peso, AAWA lo bini cu un di dos curso monitor nivel 2. Un palabra di pa-bien sigur na tur e cursistanan cu e logra e curso monitor nivel 1 cu exito.



Un danki sigur na Lotto, e Loteria di Aruba pa medio di Comision di Subsidio cu a subsidia e curso di monitor nivel 1 organisa pa e federacion di hisamento di peso

AAWA.

Cumprando weganan di Lotto, e Loteria di Aruba bo ta contribui na deporte riba nos isla. Meta di e fundacion

ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio. □